

Na osnovu provedenog postupka u skladu sa Zakonom o javnim nabavkama Bosne i Hercegovine, ("Službeni glasnik BiH", broj 39/14), te Odluke Direktora J.U. Zavod za sportsku medicinu Kantona Sarajevo broj: 01-3-727-Odluka/18 od 28.12.2018. godine, kojom je prihvaćen Predračun ponuđača Bellona Centar Gradiz d.o.o. Sarajevo od 28.12.2018. godine, kao najpovoljnija i kojom se ponuđaču Bellona Centar Gradiz d.o.o. Sarajevo dodjeljuje ugovor za nabavku kancelarijskog namještaja za potrebe J.U. Zavod za sportsku medicinu Kantona Sarajevo

**J.U. ZAVOD ZA SPORTSKU MEDICINU KANTONA SARAJEVO**, ulica Patriotske lige 36, identifikacioni broj: 4200548750001, koga zastupa Doc. dr. sci. med. Adnan Hadžimuratović, specijalista dječije hirurgije, direktor (u daljem tekstu: Kupac)

i  
**GRADIZ D.O.O. SARAJEVO** ul. Aleja Bosne Srebrene 123, Sarajevo, identifikacioni broj 4200153570004, transakcijski račun broj: 1610000057500059 kod Raiffeisen Bank Sarajevo, (u daljem tekstu: Prodavac), zaključili su:

## **UGOVOR O KUPOPRODAJI**

### **Član 1.**

Ovim Ugovorom utvrđuje se način i uslovi pod kojima Prodavac prodaje, a Kupac kupuje robu iz predmeta poslovanja Prodavca.

### **Član 2.**

Predmet ovog Ugovora je nabavka kancelarijskog namještaja (u daljem tekstu: roba) prema Predračunu Prodavca broj: 13203-11654/18-P03 od 28.12.2018. godine, koji je sastavni dio ovog Ugovora.

### **Član 3.**

Prodavac se obavezuje da će u roku od najkasnije 7 dana od dana uplate avansa isporučiti robu iz člana 2. ovog Ugovora, u poslovne prostorije Kupca, u ulici Patriotske lige 36. Sarajevo. Prodavac se obavezuje da u navedenom roku izvrši i montažu kancelarijskog namještaja.

### **Član 4.**

Ukupna cijena robe iz člana 2. Ugovora iznosi 3.954,70 KM bez PDV-a, odnosno 4.627,00 KM sa uračnatim PDV-om.

U cijenu iz prethodnog stava uključena je nabavka, transport, isporuka, montaža, te svi eventualni drugi troškovi.

### **Član 5.**

Kupac se obavezuje da u što kraćem roku nakon potpisivanja ugovora, a najkasnije u roku od 5 (pet) dana isplati na račun Prodavca avans u iznosu od 4.627,00 KM, a prema Predračunu Prodavca broj: 13203-11654/18-P03 od 28.12.2018. godine.

Prodavac se obavezuje da nakon isporuke robe ispostavi Kupcu račun na iznos od 4.627,00 KM. Nepostupanje Kupca u skladu sa stavom 1. ovog člana smatra se otkazom Ugovora.

### **Član 6.**

Prodavac se obavezuje da nakon uplate avansa, a u slučaju otkaza ugovora ili neizvršenja isporuke robe u utvrđenom roku, izvrši povrat uplaćenih sredstava, sa zakonom utvrđenom kamatom, počev od dana uplate avansa do dana povrata sredstava.

Prodavac se obavezuje da nakon uplate avansa, a u slučaju neispunjenja bilo koje ugovorne odredbe isplati Kupcu i ugovornu kaznu u visini od 5 promila za svaki dan zakašnjenja na vrijednost od 4.627,00 KM, a najviše 5% od 4.627,00 KM.

#### Član 7.

Prodavac će nakon montaže robe isporučiti Kupcu svu uobičajenu dokumentaciju za ovu vrstu nabavke.

Prodavac garantuje Kupcu kvalitet isporučene robe, u skladu sa standardima kvaliteta za ovu vrstu robe.

Eventualne popravke ili druge skrivene mane i nedostatke na robi, Prodavac će otkloniti u najkraćem roku, a u slučaju da se ne mogu otkloniti mane ili nedostaci, Prodavac će izvršiti isporuku nove robe.

#### Član 8.

Ugovorne strane mogu otkazati ovaj Ugovor pismenim putem.

Ugovor se smatra otkazanim u roku od 7 dana od dana prijema pismenog Obavještenja o otkazu Ugovora.

Prodavac se obavezuje da izvrši povrat uplaćenog avansa prije dostavljanja pismenog obavještenja o otkazu ugovora.

Povrat uplaćenog avansa ne isključuje plaćanje ugovorne kazne od strane Prodavca.

#### Član 9.

Svaka promjena ugovornih odredbi povlači za sobom sačinjavanje posebnog Aneksa ugovora.

Do potpisivanja Aneksa Ugovora obustavlja se izvršenje ugovornih obaveza.

#### Član 10.

U slučaju eventualnih sporova, ugovorne strane obavezuju se da sporove riješe mirnim putem, a u slučaju da se spor ne riješi mirnim putem, za rješenje spora mjesno je nadležan Sud u Sarajevu.

#### Član 11.

Ugovor je sastavljen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

#### Član 12.

Ovaj Ugovor smatra se zaključenim danom potpisivanja Ugovornih strana.

**BELLONA CENTAR  
GRADIZ D.O.O. SARAJEVO  
DIREKTOR**



**J. U. ZAVOD ZA SPORTSKU MEDICINU  
KANTONA SARAJEVO  
DIREKTOR**



Doc. dr. sci. med. Adnan Hadžimuratović,  
specijalista dječije hirurgije

Broj: \_\_\_\_\_/18  
Sarajevo, 28. 12. 2018.godine

Broj: 07-1-727-Ugovor/18  
Sarajevo, 28. 12. 2018.godine